

## Nr 296

## Lää'kk

### sää'mlää'jj mu'ttmest

Addojuvvon He'lsnest mannu 28 peei'v 2001

Riikkpeei'vi meä'rrõðzz mie'ldd  
*mu'tteet* tä'lvvmannu 24 peei'v 1995 u'vddum sää'mlää'jj (253/1995) 14 §:z 1 momeent, 43 §:z 2 momeent da 60 §:z 1 momeent di  
*lää'zztet* 60 §:sa odd 3 momeent da 68 §:sa odd 3 momeent nääi'taa:

## 14 §

#### Läinnäi'gğ da korkk

Läinnäi'gğ lij jäänmõsân 25 ee'kked. Läain korkk lij koumm proseent.

## 43 §

#### Vuässõttâmvuõiggâdvuõtt da mie'rreemvâ'ldd

Sijdsääbbar lij riässhâmväaldlaž, te'l ko sabbrest lie 10 tiuddâkksa siidâst põõššinalla jälsteei sä'mmli'žžed le'be sij pie'lkuei'mmeez.

## 60 §

#### Vie'ljriäššmõðžž vie'jj

Päakte'm vie'ljriäššmest riikkläänai da -vuäžžmõðžži vä'stmä'hssemääi'j vuei'tet kuu'kkheed, koork vue'leed di miõttâd vuännõðzzi da koork mä'hssmest mä'hssemluõvâsvuõdid tõnnalla ko šiotteet asetõðzzin. Mä'hssemluõvâsvuõd ij vuäžž miõttâd läain vuännõ'sse, te'l ko läain tilggstaan le'be läinna mudoi jee'resnallšem tuejjumuuzžâst u'vddum staan na'ddste'čči vuännõðžž määu's. Päi samai lo'sses väâ'jj diõtt läinnäai'j päakte'm

vie'ljriäššmest vuei'tet kuu'kkheed pä'jjel 14 §:z 1 momenttist ceälkkum ääi'j.

Mä'hssemluõvâsvuõd vuei'tet, 1 momenttist nu'bb ciälkâst šiottum cõõggkani, kuuitâg miõttâd samai lo'sses väâ'jjin te'l ko valdiasâbbar asetõðzzin tää'rkben mie'rreet. Ko mâka läainvuäžžai lij loopptam riikkläänain tue'rjuum jie'llemvue'jjes, vuei'tet mä'hssemluõvâsvuõd miõttâd 1 momenttist nu'bb ciälkâst šiottum cõõggkani, ko:

1) läainvuäžžai lij kaaupšam staanân äârram jällmõðžžâs jälstempõõrt da tõzz kuulli mäddkuu'sk lokku väâ'ldkani;

2) läainvuäžžai ij vuei't mä'rdnalla spraavdõõttâd läain vä'stmä'hssmest põõšši tuâte'mesvuõd, ku'kkäiggsastuâte'mesvuõd, huõläâ'nnemõõlgtumuuzž le'be jee'res seämmanallšem väâ'jj diõtt; da

3) mä'hssemluõvâsvuõtt šâdd obbnes läainvuäžžai pue'rren pue'reekani seämma ääi'jest jee'res pe'rrijei vuõiggâdvuõd vuäžžad sij vuäžžmuuzži määu'said.

## 68 §

#### Mâtam ooudbu lää'jjšiotõðžž vuälla kuulli tuejjumuuzž da vuõiggâdvuõttkõskkvuõd

Ee'jj 2002 aalgâst koork vuei'tet juõ'kknalla ta'rkheed jäänmõsân kuei'tin proseentin, nu'tt što tõk va'sttee mälla läain miõttmen takai korkktää'zzest šõddâm muttõðzzid.

Kaupsemhââdd da lääinai koork takai Tât lää'kk šâdd viõ'kke valdiasábbar asetõõzzin  
ta'rkkemest meärrad valdiasábbar. šiõttuum ääi'jest.

He'Issnest mannu 28. peei'v 2001.

**Tää'ssvää'ld Presidentt**

**TARJA HALONEN**

Mädd- da meä'cctäällminister *Kalevi Hemilä*